



# GEREJA KRISTEN PROTESTAN INDONESIA (GKPI)

Jemaat Dame Dr. IL. Nommensen

Resort Sait Nihuta

TATA IBADAH MINGGU EXAUDI

(Minggu, 16 Mei 2021)

---

1. Marende BE. 2:1-2, “Naeng Pujionku Ho Jahowa”
2. Votum / Introitus

U : Di bagasan goar ni Debata Ama dohot Anak-Na Tuhan Jesus Kristus, dohot Tondi Parbadia.

R : Amen

U : Nunga tangkas huboto sangkap angka na Hu-sangkapu taringot tu hamu, nina Johowa, sangkap hasonangan do tahe ndada hamagoan, asa Ahu mangalehon tu hamu ujung na hinalungunhonmuna. Jadi pajouiuonmuna ma Ahu, huhut laho ma hamu martangiang tu Ahu, gabe tangihononku ma hamu. Haleluya!

R : *Mangendehon: “Haleluya, Haleluya, Haleluya”*

U : Martangiang ma hita ... Ale Tuhan Debata, Amanami na dibanuaginjang ndang dipasombu Ho hami so marama, ai Ho naung marsuru sahalak pangurupi jala pangapul di hami. Nandang taulahon hami ianggo sian hagogoonnami laho mananda aodot mangulahon lomi ni roha-M. Dibahen i, di Ari na Pinarbadiaan-Mom, urupi ma hami, asa tarbahren hami manjangkon hagogok ni bagabaga-M dibagasan roha na bulus. Sai Ho ma na patauhon hami halak pardosa on. suru ma tondi— mian di rohanami asa marroha na lambok hami na jogal hian, asa sian nasa roha dohot gogo terbahren hami manatap dampak Ho dibagasan Jesus Kristus, Tuhannami. Amen.
3. Marende BE. 440:1-2, “Sai Puji Ma Tuhanta”
4. Epistel: JOHANNES 17:6-19
5. Marende BE. 182:1-2, “Tu JoloM O Debatanku”
6. Tangiang Manopoti Dosa

U : Tapahohom ma dirinta laho manolsoli dosanta di adopan ini Debata. Martangiang na hohom ma hita marsadasada ... Ale Debata, Amanami Pargogo na so hatudosan jala Parholong roha! Ro do ham itu adopanMu manopoti jala manolsoli saluhut dosanami. Sian hatutubunami, nunga marlaok dosa hami, jala

ndang adong na sintong di bagasan rohanami, gabe hutondong hami dalan na lili i, i ma na mangalaosi uhumMi. Alai na manolsoli do hami jala hupasahat hami mat u Ho saluhut hadirionnami, ala porsea situtu do hami Ho do Tuhan Parasiroha na sumurung jala Parholong roha. Nandang dihalomohon Ho hami mago, gabe dilehon Ho di hami hasesaan ini dosa dohot hangoluan na imbaru ala holong ini AnakMu na manongtong i, Tuhan Jesus Kristus, Sipalua hami. Amen.

Laos tabege ma bagabaga ni Debata taringot tu hasesaan ini dosanta ... "Ro ham hamu tu Ahu, hamu angka nal oja jala na sorat, asa hupasonang hamu! Jangkong hamu ma augangku, marguru ma hamu tu Ahu, ai na lambok do Ahu jala na serep marroha, asa dapotan hasonangan tondimuna. Ai lambok do augangku jala sonang do dohot na hupaporsanhon" Hasangapon ma di Debata na di Ginjang!

R : Amen

7. Marende BE. 22:1-2, "Nunga ro di parguruan"

8. Togutogu tu ngolu na imbaru: 2TIMOTIUS 3:16-17

*(Dung dijaha togutogu tu ngolu na imbaru i, marudut ma muse manjaha na ditoru on)*

U : Antong rap ma hita martangiang, mangido gogo tu Debata laho mangulahon na hombar tu hataNa i.

R : Ale Tuhan Debata, pargogoi ma hami mangulahon na hombar tu hataml. Amen

9. Marende BE. BE. 106:1+5, "Ale Tuhan, Amanami"

10. Manghatindanghon Haporseaon

11. Tingting / Tangiang Pangondianon

12. Marende BE. 363: 8+14, " Mauliate dok Hamuna"

13. Jamita: PSALMN 1:1-6

14. Marende BE. BE. 362:2, "Endehon ende na imbaru"

15. Ayat Pelean: MATIUS 8:4

16. Tangiang Pelean

U : Ale Amanami na di banua ginjang. Diparhatopot rohanami do sian unduk ni rohanami, Ho do mual ini nasa ulibasa na maulitus. Dison hupasahat hami do pelean hamauliateonnami tu Ho. Sai jalo jala pasupasu peleannami on asa gabe dalan panindangion, parsauran, dohot asi ni roha di Huria Mon. Bahen ma ngolunami gabe pelean

na hombar tu lomo ini rohaM, jala prasidohot parohon HarajaonMu, holong, dohot hadameonMu di sandok portibi on. Buhai ma rohanami marhitehite TondiM, asa sai tongtong mandok mauiate tu Ho, dibagasan goar ni AnakMu, Jesus Kristus, Tuhannami. Amen.

16. Ende Pelean BE. BE. 299:6, “Debata do Manggomgomi”

17. Tangiang Ale Amani

*(Molo ndang adong partohonon na manguluhon parmingguon, rap mandok ma sude ruas di tangiang “Ale Amanami”. Alai molo partohonan do manguluhon, hombar ma tu hasomalan parmingguon di gareja)*

18. Doksologi: “Ai Ho do nampuna harajaon ...”

*(sude ruas mangendehon molo na manguluhon parmingguon angka partohonan)*

19. Amen – Amen – Amen

---

### ***Jamita Ari Hananaek ni Tuhan Jesus***

#### **HATUAON NI HALAK NA TIGOR ROHA**

*Di hita saluhut ruas na hinaholongan ni Jesus*

Molo disukun do tu hita aha do amang /inang sinta-sinta ni ngolumu, tontu maragam ra akka na taparsinta hombar tu hadirionta be. Jala sude diparsinta ni rohata asa sonang rohanta, ido kan amang/inang?. Dang adong halak na manghasiholi ngoluna asa marukil, marsak, manang marhasusaan. Alani i do molo di halak Batak diparungkilhon angka natoras do asa marsingkola gellengna satimbotimbona. Asa denggan ngoluna haduan jala martua. Dung berhasil ianakkon i sian parsikolaan, digogohon ma muse mangalului karejo. Asing ini, na deba dihajugulhon do mansari na ringkot di ngoluna, gabe hira disarupahon do arian dohot borngin. Songon na nidokni pandohan di ende naung jotjot tabege, “Anakhonhi do hamoraan dia ahu”. Ende i manggombarhon puhut ni angka natuatua laho paradehon na denggan tu gellengna. Diulahon dom ansari arian dohot borngin.

Asing ini, adong do deba halak dung lam tambah artana tong do ndang sonang rohana. Gari maol ibana sonang di ngoluna, jotjot busisaon, tong ma holan mamikirhon boha asa martambah muse artana, manang mamikirhon boha asa unang moru sude angka artana. Sandok marragam diula halak di partingkiean on asa jumpang sonang ni roha manang martua dihilala ngoluna.

Tarida mah ape, anggoa sipareahan ini jolma ima sonang ni roha. Molo adong di halak Batak pandohan 3H (Hamoraon, Hagabeon, Hasangapon), na dipareahi boha asa sonang rohana. Toho do, molo dung adong hamoraon, hagabeon, hasangangapon, ganjang ini umur, hahipason, dohot na asing, boi do manghorhon sonang ini roha. Alai ingkon tandap do hitam andok, ndang i na manghorhon hasonangan na manongtong dohot ngolu na martua. Antong molo songoni, songon dia do ngolu na martua? Parpsalmn di turpuk on mandok, ndada sinadongan, manang hamoraon, manang hagabeon, hasangapon na adong di portibi on gabe suhatsuhata ini ngolu na martua. Ngolu na martua ima na didok di ayat 1-2, ima halak na mangaradoti patik ni Debata dohot angka na so olo mangihuthon tahi ni parjahat dohot na so olo sahundulan dohot angka pangarehei. Lapatannam ngolu na martua ima halak na so olo marsada do ragam ini angka hajahaton, ima ulaon dohot pangalaho na maralo dua patik ini Debata.

Patik ni Debata na nidokna dison sarupa do i tu hata ni Debata. Hombar tu turpuk sadari on, ngolu na sonang dohot na martua ima na hombar tu hata ini Debata, na mambahen Debata marsangap di ngoluna. Ima suhatsuhata ni ngolu na sonang dohot na martua. Jadi, ringkot do paimbaruon pingkiran dohot rohanta, dang hamaroan dohot hasangapon gabe suhatsuhata ini hasonangan dohot ngolu na martua. Isarana, boi do hamoraon dohot hasangapon mambahen jolma i mandao sian Debata; jala boi muse do hamoraon dohot hasangapon i manubuhon sangkap hajahaton di pingkiran dohot roha ini sadah halak. Baliksa, molo dung ngolu na hombar tu patik ni Jahowa do gabe suhatsuhata ni hasonangan, laos i do mambahen ngolu ini sada halak jonok tu Ibana. Dung jonok hita dohot Debata, disi ma jumpang ngolu na sonang dohot na martua.

Didok muse ma di turpuk on, ngolu na mangaradoti patik ni Debata disarupahon ma i tu hau na siuan di topi ni batang aek (ayat 3). Songon hau jonok tu batang aek, sai dapotan hangoluan do ibana sian aek i. Halak naung mangaradoti jala tongtong mamingkiri patik manang hata ini Debata i, sai dapotan hangoluan do ibana. Ragam pe na ponjot, hangaluton, dohot hamaolon na binolusna, dang tagamon mandate be ibana. Dang tagamon be marhagaleon be sada halak aha pe rumang ni parngoluaon na nibolusna di portibi on, ala naung jumpang do ibana aek hangoluan ima patik manang hata ni Debata. Patik dohot hataNa i do hangoluan di hita mangadopi aha pe angka na masa di ngolunta siganup ari. Isarana, pogos pe hita, manag so dapot dope hagabeon, manang maol halak mangalehon sangap tu hita, alai

molo dung hata manang patik ini Debata na tongtong lohoh di pingkiranta jala ojahan ni saluhut ngolunta, dang margale manang mandate be hita ala naung hata manang patik ini Debata gabe mual dohot aek na pangoluhon roha dohot pingkiranta be, gabe dao hita sian roha na mandate. Alani, tongtong ma tahangoluhon hata ni Debata, jala pangoloi ma hita di Ibana, asa martua hita, nuaeng manang sogot. Amen.